

Landesbibliothek Oldenburg

Digitalisierung von Drucken

**Terentius,|| A` M. Antonio Mvreto|| locis prope
innumerabilibus|| emendatus.||**

Terentius Afer, Publius

Venetiis, 1558 [erschieden] 1559

Scena IIII.

[urn:nbn:de:gbv:45:1-723936](https://nbn-resolving.org/urn:nbn:de:gbv:45:1-723936)

atque afferuari:

Verum aliquo pacto uerba me his daturam esse, & uen-
turam.

Sy. Perij hercle: Bacchis mane, mane: quò mittis istanc
quæso?

Iube, maneat. B. abi. S. quin paratum est argentum.
B. quin maneo.

S. Atqui iam dabitur. B. ut lubet, num ego inſto? S. at
ſcin' quid ſodes?

B. Quid? s. tranſeundum nunc tibi eſt ad Menedemum,
& tua pompa

Eo' traducenda eſt. B. quam rem agi ſcelus? S. ego me
argentum cudo,

Quod tibi dem. B. dignam me putas, quam illudas?
S. non eſt temere.

B. Etiam ne tecum hic res mihi eſt? S. minime: tuū tibi reddo.

B. Eat. S. ſequere hac. heus Dromo. D. quis me uol?
S. Syrus. D. quid eſt rei?

Sy. Ancillas omnes Bacchidis traduce huc ad uos propere.

B. Quam ob rem? S. ne quæras. & ferant, quæ ſecum
huc attulerunt.

Sperabit ſumptum ſibi ſenex eſſe harum abitu leuatum.

Næ illæ haud ſcit, hoc paulum lucri quantum ei dam-
ni apportet.

Tu neſcis id quod ſcis Dromo, ſi ſapies. D. mutū dices.

ACTVS QVARTI SCENA IIII.

CHREMES, SYRVS.

C. Ta me dij amabunt, ut nunc, Menedemi
nicem,

Miseret

Miseret me, tantum deuenisse ad eum mali.
 Illancine mulierem alere cum illa familia?
 Etsi scio, hosce aliquot dies non sentiet:
 Ita magno desiderio fuit ei filius.
 Verum ubi uidebit tantos sibi sumptus domi
 Quotidianos fieri, nec fieri modum:
 Optabit rursus, ut abeat ab se filius.
 syrū optume, eccum. s. cesso hunc adoriri? C. syre. s.
 hem.

- C. Quid est? s. te mihi ipsum iam dudum optabam dari.
 C. Videre egisse iam nescio quid cum sene.
 s. de illo, quod dictum dudum? ac factum reddidi.
 C. Bonan' fide? s. bona hercle. C. non possum pati,
 Quin tibi caput demulceam. accede huc syre:
 Faciam boni tibi aliquid pro ista re, ac lubens.
 s. At si scias, quàm scite in mentem uenerit.
 C. Vah, gloriare euenisse ex sententia?
 s. Non hercle uero: uerum dico. C. dic, quid est?
 s. Tui Clitiphonis esse amicam hanc Bacchidem
 Menedemo dixit Clinia, & ea gratia
 secum adduxisse, ne tu id persentisceres.
 C. Probe. s. dic sodes. C. nimium inquam. s. immo sic
 satis.
 sed porro ausculta quod superest fallaciæ.
 sese ipse dicet tuam uidisse filiam:
 sibi complacitam eius formam, postquam aspexerit:
 Hanc se cupere uxorem. C. modo quæ inuenta est? s. eã:
 Et quidem iubebit posci. C. quam ob rem istuc syre?
 Nam prorsus nihil intellego. s. hui, tardus es.
 C. Fortasse. s. argentum dabitur ei ad nuptias,

Aurum,

Aurum, atque uestem, qui, tenes ne? Ch. comparet?
 Sy. Id ipsum. C. at illi ego nec do, nec despondeo.

Sy. Non? quam ob rem? C. quam ob rem, me rogas? he-
 mini. S. ut lubet.

Non ego perpetuo dicebam illam illi ut dares,
 Verum ut simulares. C. non mea est simulatio:
 Ita tu istæc tua misceto, ne me admisceas.

Egon', cui daturus non sim, ut ei despondeam?

Sy. Credebam. C. minime. S. scite poterat fieri:

Et ego hoc, quia dudum tu tantopere iusseras,
 Eo' cœpi C. credo. S. ceterum equidem istuc Chreme
 Aequi boniq; facio. C. atqui tum maxime
 Volo te dare operam ut fiat, uerum alia uia.

Sy. Fiat: quærat' aliud. sed illud quod tibi
 Dixi de argento, quod ista debet Bacchidi,
 Id nunc reddendum est illi: neque tu scilicet
 Eo nunc confugies: quid mea? num mihi datum est?
 Num iussi? num illa oppignerare filiam
 Meam me inuito potuit? uerum illud Chreme
 Dicunt: ius summum, sæpe summa malitia est.

Ch. Haud faciam. S. immo alijs si licet, tibi non licet.

Omnes in lauta te & bene parte aucta putant.

Ch. Quin egomet iam ad eam deferam. S. immo filium
 Iube potius. C. quam ob rem? S. quia enim in eum
 spectio est

Translata amoris. Ch. quid tum? S. quia uidebitur

Magis uerisimile id esse, cum hic illi dabit:

Et simul conficiam facilius ego, quod uolo.

Ipsè adeo adest: abi: effer argentum. Ch. efferò.

CLITIPHO, SYRVS,

cli. Vlla est tam facilis res, quin difficilis fiet,
 Quā inuitus facias. uel me hæc deābulatio,
 Quā non laboriosa, ad languorem dedit:

Nec quicquam magis nunc metuo, quā ne denuo
 Miser aliquo extrudar hinc, ne accedam ad Bacchidē.
 Ut te omnes equidem dii, deæ, quantum est, syre
 cum tuo isto inuento, cumq; incepto perduint.
 Huiusmodi mi res semper comminiscere,
 Vbi me excarnufices. sy. is hinc quō dignus es?
 Quā pene tua me perdidit proteruitas.

cli. vellem hercle factum: ita meritū. sy. meritū? quo
 modo?

Næ me istuc ex te prius audisse gaudeo,
 Quā argentum haberes, quod daturus iam fui.

cli. Quid igitur dicam tibi uis? abijisti: mihi
 Amicam adduxti, quam non liceat tangere.

sy. iam non sum iratus: sed sciri ubi nunc sit tibi
 Bacchis. cli. apud nos. sy. non. cli. ubi igitur?
 sy. apud Cliniam.

cli. Perij. sy. bono animo es: iam argentū ad eā deferes,
 Quod ei es pollicitus cli. garris. unde id? sy. à patre.

cli. Ludis fortasse me. sy. ipsi re experibere.

cli. Næ ego fortunatus homo sum. deamo te syre.

sy. sed pater egreditur. caue, quicquam admiratū sis,
 Qua caussa id fiat; obsecundato in loco;
 Quod imperabit, facito: loquitor paucula.

K ACTVS